

دین غیر اختیاری بر فلسفه؛ فلسفه اختیاری بر دین

فلسفه غیر محسوس

معارضه صریح، لاقیداره مرصع

توکندی، برقادین ارتق سنی کماله ایردیر برده، نصل چوق طوغوره مازسه، تارلار، برچوق وقت معطل قالب سرولدیکنده، نصل چوق محصول ویریر وهرسنه ایشلان تارلا نه قدر از محصول ویریرسه، براورمان محو اولدقدن صوکره عینی اورمان حاصل اولماز یاخود یبانی اوتلار ویا چالیرله قاپلانیرسه کره ارضده عینی حاله دوچار اولور.

کیم بیلیر؛ بلکه شمعی دخی ارضدن، تیلکی، طاوشان، صیرتلان ودها سائر حیوانات ظهور ایدیورلر، فقط اونلر بزه نامعلوم اوزاق یرلرده اولدقلری ایچون او حالت بزه امکانسر کبی کلیور. نته کم فاردلر فاردلردن طوغدیغنی کوردیکمز ایچون طوبراقدن ده فاره طوغدیغنه اینامیورز...

کله جک ایچون دوشونمامک، حال حاضری خوش کچیرمک، کار عاقل در. عمر بشرک اوزون اولماسی، سعادتق تولیدایتمز. اوزون واشکنجه لی عمردن، قیصه فقط مسعدت آور عمر، هر حاله اولی در.

برنجی جلده «فلسفی دوشونجه لارک» بو قدری ایله اکتفا ایتدک، ایکنجی جلده بزم خلقمز جه ناشیده دها غریب فقر دلر دوشونجه لار درجه غیرت ایده جکمز.

ب. س. سی. سیاتاریسی

فلسفه فاسفی

ایچه برزماندنبری کلمات واصطلاحات فلسفیه یی طوبلامغه، ترجه مزده مقابللری بولمغه وبونلری تدوین ایتمکه چالیشیورز. هر علم وفن کبی فلسفه ده اصطلاحلریله قائمدر. و بر فنک اصطلاحاتی اوکرنمک اوفنک نصفی آله ایتمک دیمکدر. بز مجموعه مزده شیمدی به قدر برچوق کله واصطلاحاتدن بحث ایتدک. شو قدرکه تدقیقات وتبعاتمز ایلری کیتدکجه بعض کله لره مقابل بولدیغمز ترجه لری اصلاح ایتمک حتی بوتون بوتون دیکشدریمک لازم کلیور. بونک ایچون آرا صیره قارئین محترمه یه یکیدن یکی به جدولار تقدیم ایتمک ضرورتی وار. کرک رفقای تحریریمز، کرک فلسفه وادیسنده صرف مساعی ایدن ذوات معتبره ورسائل سائر محررلریله برابر واقع اولان سعی وغیرت نتیجه سنده بودفه ده آتی ده کی جدولی میدانه کتیردک. بو جدولده کی کله لارک برقمی اساساً مجموعه مزک اولکی نسخه لرنده موضوع بحث ایدلمش اولدیغدن فضله تفصیلاتدن شیمدیک

صرف نظر اولندی . ہر جلد ختمام بولدقچہ برچوق یکی کلمہ لری محتوی و تکرار اصلاح ایدلمش بر جدول تقدیم ایدیلہ جکدر . جدوللر دہ چکن کلمہ واصطلاحلر بعدما مقالات و تراجم آراستہ قوللانیلہ جق اولورسہ یانلرینہ فرانسز جہ لری یازیلہ جفی کبی رسالہ مزک تکمیل مندر . جاتندہ کی اصطلاحات ہپ برسیاقدہ و بوجدوللرہ توفیقاً استعمال اولنہ جقدہ .

ب . م

اخطار : بعض فرانسز جہ اصطلاحات وارد کہ اونلرک برتک کلمہ ایلہ مقابل بولنہ مامش و شیمدیلاک ایکی ویا اوچ کلمہ ایلہ ترجمہ و افادہ ایدلشلردہ . بالاخرہ برتک کلمہ دن مقابل بولونجہ شمدیکی ایکی ویا اوچ کلمہ لی افادہ و برترتیرف اولق اوزرہ تلقی ایدیلہ جکدر .

- ابطالیہ { Nihilisme — بالجلہ اشیانک وبالجلہ حقایقک انکاری مسلکی .
- اتحادیہ { Monisme — کائناتہ مادی عالمہ معنوی عالمک ، آیریلیسی ممکن اولیان برصورتہ یکدیگریہ نمترج بولندیفی ادعا ایدن مسلک ، وحدت موجود مسلکی
- اجتماعیات { Sociologie — انسانلرک اجتماع حالندہ یاشاملرینک قوانینی موضوع بحث ایدن علم .
- احاطہ { Conception — مرہانکی برشیک تعین اوصافی طولایسیلہ بزده تقرر ایدن وخارجی انطباعاتہ شکل ویرن صوک بیلکی .
- احاطویہ { Conceptualisme — اشیایی مطلقا کندی استعدادیزہ کورہ ، زمان ومسافہ کی برطاقم عمومی فکرلر طولایسیلہ توصیف ایدرک اکلایہ بیلدیگمزی واحاطہ ایدہ بیلد . یکمزی ادعا ایدن مسلک [قانتک] .
- احتمالیہ { Probabilisme — ریبہ ایلہ یقینیہ آراستہ متوسط برمسلدکدر . بومسلکہ کورہ هیچ برشیدہ قطعیت مطلقہ یوقدر .
- احصائیات { Statistique — ایستاتستق علمی .
- اخلاقیات { Ethique یاخود Morale اخلاقک مختلف نظریہ لرندن بحث ایدن علم .
- ادراک { Perception — خارجدن کلن ایلک انطباع .
- ادراکیہ { Perceptionnisme — انطباعات خارجیہ عائد ہیئت مجموعہ معلومات .
- ارضیات { Géologie — طبقات ارضدن وبرطاقم مؤثرات طبیعیہ نک ارض اوزرنده حصولہ کتیردیکی تحولات ودورہ لرندن بحث ایدن علم .
- استجداد { Atavisme — اجداددن برینک بعض وصفلرینک اخفادہ ظہورہ کلی .
- استحالیہ { Transformisme — تکاملہ مسلکنک شعبہ لرندن بریسیدر . بوکا نظراً موجودات حیاتیہ نک اجناسی ثابت دکدر ، وکندینہ تقدم ایدن اجناس سائرہ دن نشأت ایتشدہ .
- اسرارہ { Mysticisme یاخود Supra-naturalisme — بومسلکہ مادہ وقوت قانونلرینک مرشیئہ دکل ، آنجق برقسم شیلرہ تطبیق اولنہ بیلدیکی ادعا اولنور .

- اسمیه } Nominalisme — بومسلکده عمومی فکر لک بر وجودی یوقدر ، بونلر ذهنی برر
 اشارتدر ، آنجی برر کله وبرر اسمدر (روسلینک)
- اصولیات } Methodologie — علومک اصولارندن بحث ایدن شعبه وقوف [بونلر درده بعض
 معلملر بوکله بی (علم مناهج) دیه ترجمه ایدیورلر ، بونک سبی علم کلامه دائر اولان
 علم اصول ایله برالباس ظهوری منع ایتکدر . فقط بز (اصولیات) کله سنی احداث ایدرک هم بوالتباسک
 اوکنی آلیورز ، همده اساساً سائزده کترتله مستعمل برکله ایله مقصدی حاصل ایلورز] .
- اضافیه } Relativisme — اشیا حقنده کی وقوف بشرینک نسبی و اضافی اولدیغنی ادعا ایدن
 مسلك . بو مسلك دستور اساسی شودر : (هر وقوف برمناسبت وقوفیدر .)
 [اسکیدن بوخصوصده نسبه کله سنی قوللانیوردق . بالاخره اضافیه کله سنی ترجیح ایتدک .] .
- اعتقادیه } Dogmatisme — هیچ برصورتله بدیل جائز اولیان واکثریا دینی بولنان اعتقادله
 باغلنوب قالمق مسلكی .
- اعجاز } Prestige —
- اقتصادیات } Economic — علوم اجتماعی ک برشعبه سیدرکه ثروت عمومی ک استحصالندن ،
 توزیع واستهلاکندن بحث ادر .
- اقوامیات } Ethnologic — نوع بشرک تشکلاتندن ووصاف ماده سندن بحث ایدن علم .
 [بوعلم مختلف قوملرک تدقیق ومقایسه سیله حصوله کلدیکندن اقوامیات نامنی آلمشدر ،
 قومیات ایله قاریشدر یلاملیدر] .
- الهییه } Théisme یاخود Déisme — بومسلکده الله ایله کائناتک آیری آیری شیلر
 اولدینی وماده ایله قوتک قسماً برلشدیکی ادعا اولنور .
- انسابیات } Généalogie — نسب شجره سندن و بونک عضو و تکملندن بحث ایدن شعبه
 وقوف .
- انسانیه } Anthropocentrisme — انسانی علت غائیة خلقت وزبدۀ کون ومکان عد ایتک مسلكی .
- انسانیات } Anthropologie — بر حیوانیات متخصصنک هر هانکی بر حیوانی مطالعه ایتسی
 کبی انسانی دخی تاریخ طبیعی نقطه نظرندن مطالعه ایتسی [بالاخره کسب شمول ایدرک
 عینی تدقیقات عرقله ده تطبیق اولمغه باشلامشدر] .
- انتخابیه } Eclectisme — ویقتور قوزه نك مختلف مسالك فلسفه دن بر طاقم اساسلر انتخاب
 ایدرک حصوله کتیردیکی مختلط برمسلك فلسفی .
- انطباع } Impression —
- انکاریه } Athéisme — الله طانیماق ، یعنی دینسزلك مسلكی .
- بدبینی } --Pessimisme --
- بشریات } Anthropogénie — رشیم ، فرد و جنس اعتباریله تاریخ تکامل بشر [بونی
 انسانیات ایله قاریشدر یلاملیدر]
- بقایه } Athanisme — بومسلکده روح انسانینک مافوق الطبیعه بر صورتده یاراتیلمش بر
 موجود مستقل اولدیغنه وابدیتنه حکم اولنور .

تجربیه } Experimentalisme — قوانین طبیعی‌بی بالتجربه تدقیق و تخری اصولی [بومسلکده نظریات علمیہ دخی داخلدر . هیچ نظریہ سز اولان « عملیہ » مسلکیہ قاریشدر مامایدر .]

تحول } Variation —

تشکیلات } Onthogénie — فردک بمورطه حالندن باشلیہرق حیوان تام اولونجهیه قدر کچیردیکی ادوارتشکل وتشکلندن بحث ایدن شعبه علم . [بونی شکلیات ایله قاریشدر مامایدر .]

تعبدیه } Anthropolatrisme — بویوکلاکلر قارشیدنده انسان عضویتک موارثاتی غیب ایستی نتیجه سنده حصوله کلن تعبد احتیاجی [هه کهلک] .

تعضویه } Organissisme — اعضا حیاتک منشأی وسپی در ، نظریه متأخره سی .

تکاملیه } Evolutionisme یاخود Génétisme — تکامل ، معنای عمومیسیمیه بسیطدن مرکبه ، متجانسندن غیرمتجانسه ، داغنیق وغیرمنتظم ، حالندن عضوی و مرکزی برحاله

دوغرو کیدن بر انکشاف دیمکدر . شوالده تکاملیه مسلکده اساس کائنات ازلی وابدیدر ، عدمدن خلق اولمش دکدر ، قوانین طبیعیہ تأثیری آلتنده تشکل ایتمش وتکمل ایلمکده بولونمشدر .

تکونیات } Cosmogonie — تگون عالندن بحث ایدن علم .

تماسخ } Mutation — [مسخ کله سنه مراجعت]

تناسخ } Métamorphose — مادی صورتده تبدیل شکل ، بر حیوانک بر شکلدن دیگر شکله کیرمی .

ثنائیه } Dualisme — (مونیزم = وحدت موجود) مسلکک مکابلیدر . بومسلکده کائنات مادی عالمله معنوی عالندن متشکلدر . شوقدرکه بونلر بربریله بر اشمش دکدر لر وعالم معنوی

عالم مادی اوزرینه تأثیر اجرا ایدر .

جبریہ } Déterminisme — اراده یوقدر ، هرشی قوانین طبیعیہ نک تحت تأثیرنده بولور .

جمادیات } Cosmologie — حصه حیاتیہی حائر اولمیان ماده لردن وبالخاصه جماداتدن بحث ایدن علملرک هیئت مجموعه سی .

حاسوی } Sensitif —

حاسه } Sens — حواس خمسہ دن هربری .

حجیرویات } Cytologie —

حدس } Intuition — کشف درونی ، برنوع الهام داخلی [برغسونک فلسفه سنه مراجعت] .

حدسی } Intuitif — کشف درونی به عائد .

حس } Sensation —

حساسیت } Sensibilité —

حسی } Désintéressé — بلامنفعت

حسنیات } Esthétique — علم حسن ، حکمت بدایع .

حسیه } Sensualisme — بتون معلومات ووقوفزك اساسی و منبئی اولی اوزره آنجق خواس
خسه‌یی قبول ایتك مسلکی [بومسلک اکثریا یقینه مسلکك ضدیدر .]حظیه } Epicurisme — ته‌پیکوره عائد مسلک اخلاق : (خیر دیمك دائمی بر محظوظیتك
تأمینی دیمكدر .)حقیقه } Réalisme — حسنیاته غایه مسلکك مقابل ، یعنی اولانی کوسترمك ، واولدینی
کبی کوسترمك ، حقیقه صادق قالیق [ره آلیرم کله‌سك مختلف مفهوم لرندن بریسی در .

شائیه ، ذاتیه ، یقینه کله‌لرینه مراجعت .]

حیات بجمده } Biogenie — (هر حیات صاحبی موجود ، ینه بر حیات صاحبی موجوددن
حصوله کلیر) نظریه‌سنه هوکسله‌ی طرفندن ویریلن اسم .حیاتیات } Biologie — شخصی و شکلی بر طرف ایدرك هر درلو حیات حادثه‌لرله
اوغراشان علم .حیاتیه } Vitalisme یاخود Théologie — طبیعت عضویه ده مستقل بر حیات قوتی بولندیغنی
قبول ایدن مسلک [بونی پك یقین بر معنا افاده ایدن روحیه مسلکی ایله قاریشیدر ماملیدر .]

حیوانیات } Zoologie — حیواناتك تشریحندن ، غریزاتندن و تصنیفندن بحث ایدن علم .

خلقتیه } Créatisme — بومسلک تکاملیه مسلکك ضدیدر . کائناتك بر ویا متعدد دفعه‌لرده
الله طرفندن عدمدن خلق اولمسی مسلکی .

خودبینی } Egoïsme —

خیالیه } Idéalisme — لدنیاتده ؛ کائناتده هیچ بر شئیك حقیقت ماده‌سی بوقدر ، هر شی
ذهنده در ، خیالده در مسلکی . [ایده آلیرم کله‌سك مختلف مفهوم لرندن بریسی در .

غایه ، مثلیه ، فکریه کله‌لرینه مراجعت .]

داروینیه } Darwinisme — داروینیه عائد مسلک تکاملی

دیگربینی } Altruisme —

ذاتیه } Réalisme — لدنیاتده-امیه مقابلی ، یعنی عمومی فکالر ذهنندن ، شخصندن و تابعندن
آبوی اوله رق موجوددر ، بوفکالر مستقل بر ذاتیه مالکدر ، ادعا سنده بولنان افلاطون

مسلکی [ره آلیرم کله‌سك متعدد مفهوم لرندن بریسی در م شائیه ، حقیقه ، یقینه کله‌لرینه مراجعت .]

ذهنیه } Conceptualisme — اشیادن آیریلنجه هیچ بر عمومیت قالماز ، بونکله ابر عمومی
فکالر بر اسمندن عبارت دکلدرد ، عمومیت بر نوع احاطه ذهنیه درکه تفکرك طبیعت

اساسیه سنی عرض ایتك صورتیه خصوصی برقیتمه مالک بولنور . [بومسلک آبه‌لار طرفندن اسمیه و ذاتیه

مسلکاری آراسنده بر متوسط اولی اوزره احداث ایدلشدرد .]

رشمیات } Embriologie — رحم مادرده کی رشیمك احوالندن بحث ایدن علم .

رواقیه } Stoicisme — زدنونك ، هر درلو فلاکتله و آلام دنیویه صبر و تحمل مسلک
اخلاقیسی [رواقیه کله‌سی ؛ زدنونك درس لرینی بر قو کمری آلتنده ویرمندن ایلری کله‌سدر .]

روحیات } Psychologie — احوال روحیه‌دن باحث علم .

روحیه } Animisme — تکمیل علامت حیاتیه‌بی روحه اسناد ایتک وهر درلو حرکاتک مسبی
اولاق اوزره روحی طایق مسلکی؛ اسکی دینلرک روحلره و جنلره اینامق کبی خرافه‌لرینه‌ده
بو نام ویریلیر . [بونی پک یقین برمعنا افاده ایدن حیاتیه کله‌سیله قاریش‌دیر ماملیدر .]
ریبیه } Scepticisme — حقیقت اشیا بیلنه‌مز ، هیچ برشی حقنده حکم ویرمه‌لی ، شبهه
وتردد اوزره قالمی مسلکی .

سنیات } Odonthologie — دینلردن بحث ایدن شعبه وقوف .

سیاسیات } Politique . — مسائل سیاسیه

شأنیه } Réalisme — وقوف نظریه‌سنده اشیا بی حال ظاهریسی وزمانله محدود تظاهری
اعتباریه تدقیق ایتک و بوتظاهری حال حقیق فرض ایتک مسلکی [ره آلیزم کله‌سنگ متعدد
مفهوملردن بریسیدر ، حقیقه ، ذاتیه ، یقینیه کله‌لرینه مراجعت]

شخصی } Subjectif — [اسکی فلسفه‌ده انفسی و ذاتی کله‌لرله بو معنا افاده ایتک ایسته .
نشدیر . فلسفه مجموعه‌سنگ ۱۴۰ نجی صحیفه‌سنده تفصیلات واردر .]

شکلیات } Morphologie — اجسام حیاتیه‌بی شکل خارجیلری نقطه نظرندن تدقیق و مطالعه
ایدن علم .

طبیعیات } Sciences naturelles —

طبیعه } Naturalisme یاخود Rationalisme — ماده وقوتک ، تعبیر جدیدیه قدرت =
Energie ک هر شیده حکمی اجرا ایتکده اولدینی و هر حادثه‌ک طبیعی بولندینی
ادعاسند کی ملک .

ظهور بغیره } Plasmagonie — ارتباط کیموی حالده بولنمیان فقط یکدیگرینه مخلوط
بولنان عضوی برماییدن دیگر بعض عضویلرک ظهوره کلسی .
ظهور نفسه } Autogonie — غیر عضوی و آمونیاق ، آسید قاربونیک و سائرینی حاوی بر
صویک ایچنده غایت بسیط برعضوتک تشکلی [بو یوقاریده کی کله ؛ ده که ل ه
واونک تجربه‌لرینه عائددر]

علم السنه عتیقه } Philologie — السنه تاریخیه‌ک کرک لسان و کرک ادبیات نقطه نظرندن
تدقیق علمی [تک کله‌سی بولنه‌جقدر]

عملیه } Empirisme — تجربیه مسلکده‌ینی در . شوقدرکه بومسلکده آنجق عملیات واردر .
تجربیه مسلکده اولدینی کبی نظریه یوقدر .

غایه } Idéalisme — حسنیانده ، حقیقتی دکل ، فقط غایه‌بی یعنی اولانی دکل ، اولسی لازم
کلی کوسترمک مسلکی . [ایده آلیزم کله‌سنگ متعدد مفهوملردن بریسیدر . خیالیه ، مثلیه ،
فکریه کله‌لرینه مراجعت]

غایه } Idéal — بوکله صوک زمانلرده مفکوره دیدهه یازلقدهدر .

غریزیات } Physiologie — منافع الاعضا علمی .

غیر شخصی } Objectif — [اسکی فلسفه‌ده آفاق و غیر ذاتی کبی تعبیرتله بو معنا افاده
ایتک ایسته‌نشدیر . فلسفه مجموعه‌سنگ ۱۵۰ نجی صحیفه‌سنده تفصیلات واردر .]

فکریه } *Idealisme* — وقوف نظریه‌سنده ، کائنات‌ده حقیقت اولارق برشی وارسه اوده
خیالیه کله‌لرینه مراجعت [فکر وتفکر در مسلکی . ایده آل‌یزم کله‌سنگ متعدد مفهوم‌لرندن بریسیدر . مثلیه ، غاییه ،

فلکیات } *Cosmographie* — تحولات فلکیه‌دن باحث علم .

فنائیه } *Thanatisme* — روح انسانینک مستقل وابدی اولوب روح حیوانینک ودهادوغریبی
وظائف دماغیه‌نک تکمیلی نتیجه‌سی بولندیغنی قبول ایدن مسلک .

قدریه } *Fatalisme* — هر شئی‌نک قدره باغلی اولدیغنی و هیچ برشیدن احتیاط سایه‌سنده
خلاص اولنه‌میه‌جغنی ادعا ایدن مسلک .

قسری } *Impulsif* — غیر اختیاری

قومیات } *Ethnographie* — مختلف قوملرک حیاتیات واجتماعیات نقطه نظرندن تدقیق
ومطالع‌لری [اقوامیات ایله قاریشدر ماملیدر .]

لامارقیه } *Lamarckisme* — مجموعه‌سزک برنجی جلدنده‌کی سلسله‌ی مقالاته مراجعت . [

لدنیات } *Onthologie* — حال حاضرده تمامیه « مافوق‌الطبیعیات » دیمکدر . حالبوکه
قرون وسطی فیلسوفلری بو ایکی تعبیری یکدیگرندن تفریق ایدرلردی . اولنره کوره
« لدنیات » وجود مطلقدن ووجود مطلقک طرز‌لرندن بحث ایدردی . مافوق‌الطبیعیات ایسه بوترز‌لردن بری
اولان « سبب » اسيله اشتغال ایدردی .

لسانیات } *Linguistique* — فلسفه‌ی لسان ولساندن بحث ایدن شعبات علمک هیئت مجموعه‌سی .

مادیه } *Matérialisme* — روح‌ده داخل اولق اوزره هر شئی‌نک اصلی ماده‌یه ارجاع اتمک
مسلکی در . ماده‌یه مسلک‌نده روح دینیلن شی دماغک بروطیقه‌سی عد اولنور . معده نصل
عصاره معدویه افزاز ایدرسه دماغ‌ده تفکر حصوله کتیرر .

مافوق‌الطبیعیات } *Métaphysique* — مادی وطبیعی‌نک فوق‌نده بولنانی ، یعنی غیرمادی
و غیرطبیعی‌نی وبالحاصله روح والهی ونهایت نتائج علومی موضوع بحث ایدن شعبه‌ی فلسفی .

ماهیت } *Noumène* — اشیانک اولدینی‌کی حالی ، حال اصلیی ، حقیقت‌اشیا (قانت فلسفه‌سنده)

مثبتیه } *Positivisme* — اوکوست قونشک مافوق‌الطبیعیات علیهنده ومادیت ، حقیقت‌لهنده‌کی
مسلک فلسفیسی .

مثلیه } *Idealisme* — افلاطون فلسفه‌سنده « حس اولنان عالم ، ظاهری برعالمدر . شو حالده
حس‌لر‌نک بزه طایفه‌دینی‌شی برکواکه ، برمثلدیر . ویزومثلاردن اصل حقیقی کلایه‌بیلیرز »

مسلکی [ایده آل‌یزم کله‌سنگ متعدد و مفهوم‌لرندن بریسیدر . فکریه ، غاییه ، خیالیه کله‌لرینه مراجعت]
Anthropomorphisme — انسان‌اله ، یاخود

مجسمه } *Anthropisme* — انسان شکل وماهییتی وبرمک وبویله‌جه تجسم ایتدیرمک مسلکی .

مرئیت } *Phénomène* — اشیانک کوروندیکی‌کی حالی ، حال محسوسی ، مثل ، شکل
[قانت فلسفه‌سنده] .

مرئییه } *Phénoménisme* — ماده‌فکری‌نی آنجق مرئیته تحدید ایدن ، یعنی حقیقت‌اشیا اولارق
مرئیت‌دن باشقه برشی طائیمان مسلک فلسفی .

مرنیات } *Pathologie* — مختلف امراضدن بحث ایدن شعبه‌ی طب .

مرکزیت ارض — Géocentrisme — بطلمیوس طرفندن تأسیس وقوپرنیک طرفندن
تخریب ایدیلن ارضک ثابت و مرکز اولدینی نظریه سی .

مستحاثیات — Paléontologie — مستحاثه لرده بحث ایدن شعبه علم .

مسخ — Mue — بر شکلدن دیگر شکله کیرمه [مسخ کله سی هر نه قدر ای شکلدن فنا شکله کیرمه
معناسی حائز ایه ده بز بوراده ایلکی وفاتانی حذف ایدرک بالکز شکلدن شکله کیرمه مفهومی

[اخذ ایدیلر]

معنویه — Spritualisme — ماده مسلکک مقابل و ضدیدر . بومسلکده هر شیئک اصلی
روح ارجاع اولنور . بونکله برابر روحه موازی برده ماده قبول اولنور . شوقدر کله روح
مربد و مختاردر . و بوتون کائناتی روح اساسی اولان الله خلق ایلددر .

مفکوره — Idéale — [غایبه مراجعت]

موضوع — Objet — ذهنده کی مفهوم مجرد [فلسفه مجموعه سنک ۱۵۰ نجی صیغه سنه مراجعت]

مناسک — Rite — هرمانکی بر دینک تشریفات عملیه سی .

مهاجرت روح — Métempsychose — روحک جسددن جسدده طولاشمه سی .

مخانیکیه — Mécanisme یا خود — Hylooi-sm — حکمی و کیمیوی قوتلردن باشقه آیریجه
برقوت . بریات قوتی قبول ایتمک مسلکی .

نباتیات — Botanique — نباتاتک تشریحندن ، غریز یاتندن و تصنیفندن بحث ایدن علم .

نسجیات — Histologie — حیوان و نبات جلد لرینی و عضله لرینی تشکیل ایدن نسجلردن باحث لم .

نسلیات — Phylogénie — حال حاضرک عرق و جنسلرینی مستحاثیاتک عرق و جنسلرینه ربط
ایدن و بونلرک شکل و تکاملندن بحث ایدن شعبه علم .

نیکبینی — Optimisme —

واضع — Sujet — دوشونن شخص [فلسفه مجموعه سنک ۱۵۰ نجی صیغه سنه تفصیلات واردر]

وجودیه — Panthéisme — بومسلکله آله ییزم « الله عزلق » مسلکی بیننده اساس نظریه جهتیله
عبارت بولندینی قبول ایدیلر .

وراث — Hérédité —

یقینیه — Réalisme — انسانک قواسنه اولان اعتمادی ، و بوقوانک کند یسنه کشف ایتدیردیکی
حقیقته ارتباط شدیددی اوزرینه مؤسس مسلک فلسفی [یقینی تعیین ایدن قوا باطنمزده عاقله مزک
قواسنک عملی ، خارجمزده بداهت یعنی حقیقتک مالک اولدینی عقله چار بمق قوتی - بونی پک ضد بر معنا فاده ایدن
حسیه مسلکله قاریشدیر ماملیدر .] [ره آلیزم کله سنک متعدد مفهوم لرندن بر یسیدر : ذاتیه ، حقیقیه ، شائیه
کله لرینه مراجعت]